



basic education

Department:
Basic Education
REPUBLIC OF SOUTH AFRICA

VERBRUIKERSTUDIES (PRODUKSIE VAN GEBREIDE OF GEHEKELDE PRODUKTE)

RIGLYNE VIR PRAKTIESE ASSESSERINGSTAKE

GRAAD 12

2023

Hierdie riglyne bestaan uit 25 bladsye.

DIE PRAKTIESE ASSESSERINGSTAAK VIR VERBRUIKERSTUDIES PRODUKSIE VAN GEBREIDE OF GEHEKELDE PRODUKTE

1. INLEIDING

Die 18 Kurrikulum-en-assesseringsbeleidsverklaring-vakke wat uit praktiese komponente bestaan, sluit almal 'n praktiese assesseringstaak (PAT) in. Hierdie vakke is:

- LANDBOU: Landboubestuurswetenskappe, Landboutegnologie
- KUNS: Dansstudies, Ontwerp, Dramatiese Kunste, Musiek, Visuele Kunste
- WETENSKAPPE: Rekenaartoepassingstegnologie, Inligtingstegnologie, Tegniese Wetenskappe, Tegniese Wiskunde
- DIENSTE: Verbruikerstudies, Gasvryheidstudies, Toerisme
- TEGNOLOGIE: Siviele Tegnologie, Elektriese Tegnologie, Meganiese Tegnologie en Ingenieursgrafika- en ontwerp

'n Praktiese assesseringstaak (PAT) is 'n verpligte komponent van die finale promosiepunt vir alle kandidate ingeskryf vir vakke wat 'n praktiese komponent het en tel 25% (100 punte) van die eksamenpunt aan die einde van die jaar. Die PAT word tot aan die einde van September geïmplementeer. Die PAT bied aan leerders die geleentheid om vir vaardighede geassesseer te word wat hulle tydens die weeklikse praktiese lesse en praktiese eksamens in graad 10 tot 12 ontwikkel het. Die PAT bied leerders die geleentheid om geassesseer te word en in vaardighede wat nie in 'n geskrewe formaat, bv. toetse of eksamens, geassesseer kan word nie. Dit is dus belangrik dat skole seker maak dat al die leerders die praktiese assesseringstake binne die toegelate tydperk voltooi om te verseker dat leerders aan die einde van die jaar hulle uitslae ontvang. Die beplanning en uitvoering van die PAT verskil van vak tot vak.

- Tydens die praktiese assesseringstaak moet die leerder sy/haar kennis en praktiese vermoëns/vaardighede toon om gehalteprodukte te produseer met die fokus op vakmanskap en verkoopbaarheid.
- Die skool of die leerder mag kies om te brei OF te hekel.
- Die praktiese assesseringstaak vir Verbruikerstudies vir graad 12, met Brei of Hekel as 'n praktiese opsie, voltooi 'n praktiese eksamen van AGT (8) URE.
- Leerders voer hierdie praktiese eksamen individueel uit.
- Die praktiese eksamen vir die PAT vind in Kwartaal 3 plaas.
- Elke leerder sal 'n produk in die praktiese eksamen brei OF hekel.

2. PUNTETOEKENNING

- Die totale puntetoekenning vir die PAT is 100 punte.
- Die punte vir die PAT vorm deel van die einde-van-die-jaar-assessering in Kwartaal 4.
- Die provinsie sal twee aparte gerekenariseerde puntestate, een vir SGA ('SBA') en een vir die PAT, voorsien.
- Die puntetoekenning word soos volg aangedui:

Praktiese eksamen	100
Finale punt vir PAT	100

3. VEREISTES VIR DIE PRAKTIESE EKSAMEN

Verbruikerstudies is 'n keusevak met vyf praktiese opsies. As die skool besluit om Verbruikerstudies as 'n vak aan te bied met die Brei of Hekel as die praktiese opsie, is die nodige toerusting en fondse om die PAT uit te voer, sowel as die gespesifiseerde getal weeklikse praktiese lesse, die verantwoordelikheid van die skool, **soos in die KABV-dokument op bladsy 10 uiteengesit.**

Die skool het die verantwoordelikheid om die beskikbaarheid van die volgende vir die PAT-eksamen te verseker:

- 'n Geskikte klaskamer met die nodige toerusting (tafels, merk- en meetgereedskap, toerusting vir die brei/hekel van die produkte, bv. breinaalde, hekelpenne).
- 'n Minimum van R80 tot 'n maksimum van R150 per leerder is nodig om die voorgeskrewe produkte te maak, buiten die fondse wat vir die SGA ('SBA') weeklikse praktiese lesse benodig word.
- 'n Aantal leerders kan die eksamen gelyktydig aflê, na gelang van die getal werkstasies en hulpmiddels beskikbaar om die eksamen doeltreffend af te lê.

4. VEREISTE TYDRAAMWERK

- 'n Tydraamwerk van AGT (8) URE in totaal word vir die praktiese eksamen toegelaat.
- Die praktiese eksamen sal in TWEE sessies oor TWEE DAE afgelê word, of sessies kan op EEN dag gedoen word.
- Elke VIER(4)-uur-sessie word in TWEE(2)-uur-sessies opgedeel, met 'n pouse van 30 minute tussen elke TWEE(2)-uur-sessie.

5. OPSTEL VAN DIE EKSAMEN

- Die eksamen sal plaasvind op 'n datum soos vooraf met die moderator ooreengekom.
- Die produksieproses, vakmanskap en verkoopbaarheid van die produkte is belangrike aspekte van die praktiese eksamen.
- Onderwysers mag die voorbeelde wat verskaf word, gebruik of EEN geskikte hekelpatroon of EEN geskikte breipatroon van elders kry.
- Die geselekteerde produk moet 'n minimum vaardigheidskode-gewigswaarde van 50 punte hê.
- Die leerders sal ten opsigte van die produksieproses, vakmanskap en die verkoopbaarheid van die produk geassesseer word.
- Aan die einde van die AGT (8) ure moet leerders hulle produkte en verpakking vir finale assessering inlewer.
- Nadat die assessering voltooi is, moet die produkte aan die leerders teruggegee word om enige foute reg te maak en vir finale afronding, indien nodig.
- Die produkte sal NIE weer nagesien word nadat verbeteringe aangebring is NIE.

Die produk moet 'n seleksie van die volgende tegnieke insluit:

HEKEL	BREI
TEGNIEKE	TEGNIEKE
<p>Die volgende tegnieke is VERPLIGTEND:</p> <ul style="list-style-type: none"> • Kettingsteek • Gebruik ten minste TWEE (2) basiese steke: <ul style="list-style-type: none"> ○ Glipsteek ○ Enkele haak ('Single crochet') ○ Halwe dubbele haak ('Half double crochet') ○ Dubbele haak ('Double crochet') • Vermeerder EN/OF verminder • EEN gevorderde tegniek: <ul style="list-style-type: none"> ○ Kabelpatroon ○ Kantpatroon ○ Enige getekstureerde patroon ○ Filet • Veelkleurige patroon • Opmaak van die voltooide produk 	<p>Die volgende tegnieke is VERPLIGTEND:</p> <ul style="list-style-type: none"> • Aanheg/Afheg • Kabelpatroon • Gebruik ten minste TWEE (2) basiese steke: <ul style="list-style-type: none"> ○ Riffelsteek ○ Kousbandsteek ○ Koussteek • Vermeerder (draad-oor-breipen-metode OF brei voor en agter in steek) EN/OF verminder (glip, glip, brei) • EEN gevorderde tegniek: <ul style="list-style-type: none"> ○ Kabelpatroon ○ Kantpatroon ○ Enige getekstureerde patroon • Veelkleurige patroon • Opmaak van die voltooide produk

LET WEL: Leerders moet 'n etiket en verpakking vir hulle finale produk voorberei. Dit moet voltooi word voordat die praktiese eksamen afgeneem word en moet op die dag van die praktiese eksamen vir assessering beskikbaar wees.

6. VOORBEREIDING VIR DIE EKSAMEN

Die onderwyser is vir die volgende verantwoordelik:

- Bepaal die datums vir die praktiese eksamen. Dra hierdie datums aan die bestuurspan van die skool oor om seker te maak dat die datums nie met ander skoolaktiwiteite bots nie.
- Kopieer die patroon, illustrasie(s) en instruksieblad vir elke leerder.
- Berei naamkaartjies vir die laaste groep leerders voor om die moderator te help om die kandidate te identifiseer.
- Berei die gegewe assesseringsinstrument voor met die leerders se name.
- Leerders moet die instruksies **EEN week (7 skooldae)** voor die datum van die eerste groep leerders se eksamen ontvang sodat hulle kan voorberei.
- Deel leerders in groepe volgens die aantal leerders wat gemaklik in die vertrek geakkommodeer kan word. Die aantal per groep sal van die beskikbare hulpmiddels afhang.
- Koop AL die vereiste items.
- Maak vir elke leerder 'n stelletjie ('kit') wat die volgende insluit:
 - **BREI-PAT:** breitoerusting, patroon, instruksieblad, wol of garing, breinaalde, ens.

OF

- **HEKEL-PAT:** hekeltoerusting, patroon, instruksieblad, wol of garing, hekelpenne, ens.
- Berei die klaskamer vir die eksamen voor en maak seker dat ekstra klein gereedskap, bv. skêre, breinaalde, steekhouers, rytellers, wol, beskikbaar is.

7. UITVOER VAN DIE EKSAMEN

- Maak seker dat leerders hulle hande was.
- Deel elke leerder se stelletjie ('kit') met instruksies, patroon, wol en toerusting uit.
- Genoeg ekstra wol/garing, skêre moet beskikbaar wees.
- Leerders doen die praktiese eksamen individueel onder die onderwyser se toesig.
- Slegs die onderwyser, die moderator en die kandidate mag gedurende die praktiese eksamen in die vertrek wees.
- Die onderwyser moet toesig hou en die leerders assesseer terwyl hulle die praktiese eksamen doen en GEEN ander werk mag gedurende hierdie tyd gedoen word NIE.
- GEEN leerder mag op enige wyse gehelp word NIE.
- Die produk moet na die AGT (8) ure gereed wees vir assessering.
- Leerders sal **2 punte verloor vir elke 5 minute wat hulle laat is**, tot 'n maksimum van 20 punte.
- Die onderwyser moet die produk wat gedurende die praktiese eksamen gemaak is, nasien en die punte aanteken.
- Nadat die produk nagesien is, mag die leerders foute regmaak, verbeterings aanbring en die produk voltooi.
- Die produk sal NIE weer nagesien word nadat verbeterings aangebring is NIE.
- Nadat verbeterings aangebring is, moet die produkte, verpakking en etikette tot die dag van moderering op 'n veilige plek bewaar word.
- Die onderwyser moet die assesseringsinstrument voltooi.

8. EVALUERING

- Die onderwyser en eksterne moderator het 45 minute, of meer indien nodig, om die finale produkte te evalueer, die leerders se werkstasies te inspekteer en die assesseringsinstrument te voltooi.
- Terwyl hulle produkte geëvalueer word, moet die leerders moet hulle werkstasies en toerusting opruim en skoonmaak.
- Na afloop van die praktiese eksamen moet die onderwyser/moderator die werkstasies vir die finale toekenning van punte inspekteer.

9. MODERERING VAN DIE PRAKTIESE EKSAMEN

9.1 VOOR die praktiese eksamen

Die onderwyser moet die volgende voor die einde van **Maart of vroeër** by die vakadviseur inlewer vir goedkeuring om te verseker dat die praktiese eksamen van 'n toepaslike standaard is:

- Die tegnieke en vaardigheidskode-gewigswaarde vir die geselekteerde produk
- 'n Fotokopie van die patroon
- 'n Instruksieblad
- 'n Illustrasie van die produk
- Die lys van benodigdhede ('haberdashery') wat aangekoop moet word
- Die ingevulde oorsiglys, deur die skoolhoof nagegaan en onderteken

Die PAT kan nie gedoen word tensy die vakadviseur dit goedgekeur het nie.

9.2 OP DIE DAG van die praktiese eksamen

- Maak seker dat leerders hulle hande was.
- Die onderwyser moet die volgende op die dag van die moderering vir die moderator beskikbaar hê:
 - Al die produkte wat die leerders tydens die weeklikse praktiese lesse vir SGA ('SBA') gemaak het (indien nie reeds gedurende SGA-moderering gemodereer nie)
 - 'n Kopie van die voltooide assesseringsinstrument vir weeklikse praktiese lesse
 - Die voltooide produkte (nagesien) van al die leerders wat reeds die praktiese eksamen voltooi het
 - Die punte van die leerders wat reeds die praktiese eksamen voltooi het
 - 'n Aparte stel assesseringsinstrumente vir die moderator se gebruik, met die name van die leerders reeds op die assesseringsinstrument geskryf
- Na afloop van die assessering en konsolidering van punte sal die moderator sy/haar assessering met dié van die onderwyser vergelyk. Indien die moderator vind dat die onderwyser se punte meer as 10% van sy/haar punte verskil, moet 'n blokverskuiwing opwaarts of afwaarts gemaak word na gelang van die verskil.

Die tabel hieronder dui aan hoe om die verskil tussen die moderator se punte en die onderwyser se punte te bepaal sodat daar bepaal kan word of 'n aanpassing gemaak moet word asook hoe groot die aanpassing moet wees.

Leerders se Name					PAT	
					100	
					*O	*M
Leerder A					84	69
Leerder B					83	70
Leerder C					68	53
Leerder D					59	44
Leerder E					49	40
Leerder F					45	40
TOTAAL					388	316
GEMIDDELDE PUNT = TOTAAL ÷ 6 (getal leerders)					66	53
VERSKIL = 66 (*O) – 53 (*M)					13	
AANPASSING	AFWAARTS	✓	OPWAARTS		– 3	

*O = Onderwyser; *M = Moderator

- 'n Blokverskuiwing kan ook op grond van die professionele oordeel van die moderator gemaak word as die praktiese eksamen van die skool nie aan die verwagte standaard voldoen nie.
- Die moderator sal die uitslag en enige aanpassings met die onderwyser bespreek.
- Die finale gemodereerde punte moet dan op die gerekenariseerde puntetaal aangebring word.
- Die punte van al die leerders sal geraak word as 'n aanpassing gemaak word.

VAARDIGHEIDSKODE-GEWIGSWAARDE VAN TEGNIEKE GEBRUIK IN DIE PRODUKSIE VAN GEBREIDE PRODUKTE

- Gebruik die volgende vaardigheidskode-gewigswaarde om 'n patroon vir die PAT sowel as vir die weeklikse praktiese lesse te kies.
- Die vaardigheidskode toon die tegnieke se gewigswaarde en NIE die puntetoekenning NIE.
- Die gewigswaarde vir 'n spesifieke tegniek kan slegs EEN keer toegeken word.
- Die onderwyser kan 'n tegniek, wat nie hieronder aangedui word nie, byvoeg nadat dit met die vakadviseur bespreek is. Die onderwyser en die vakadviseur moet dan op die gewigswaarde vir die nuwe tegniek besluit.
- 'n Gewigswaarde word aan 'n tegniek toegeken volgens die moeilikheidsgraad van die tegniek.
- Die totale gewigswaarde van die tegnieke vir elke praktiese eksamen in graad 12 moet 'n minimum van 50 punte in totaal hê.

Aanheg van steke <ul style="list-style-type: none"> • Regte kant van steke op regte kant van produk • Alle steke deur die voorste of agterste lusse • Korrekte spanning, nie te styf nie • Steke ewe groot • Netjiese rand 	10 1 2 4 1 2	Vermeerder of verminder <ul style="list-style-type: none"> • Korrekte spanning, trek nie styf nie • Fatsoen beïnvloed nie die patroon nie • Vermeerder/Verminder op korrekte posisie 	10 4 3 3
Afheg van steke <ul style="list-style-type: none"> • Heg af in patroonsteek • Steke is stewig, sal nie lostrek nie • Korrekte spanning, nie te styf nie • Steke ewe groot en lê in dieselfde rigting • Netjiese rand 	10 2 1 4 1 2	Gebruik van verskillende kleure <ul style="list-style-type: none"> • Aanheg van nuwe wol/garing by die regte plek • Weef die wol/garing in die rand in • Netjiese rand 	5 2 1 2
Kousbandsteek <ul style="list-style-type: none"> • Korrekte spanning sodat struktuur kan rek en vorm behou • Egalige steke met egalige voorkoms • Growwe struktuur aan albei kante 	10 4 3 3	Las van wol/garing <ul style="list-style-type: none"> • Verkieslik by rand • Korrekte metode • Weef wol in breiwerk in 	5 2 2 1
Koussteek <ul style="list-style-type: none"> • Korrekte spanning • Growwer aan die aweregse kant • Steke lyk soos 'n V aan die regte kant • Glad aan die regte kant 	10 4 3 2 1	Knope en knoopsgate <ul style="list-style-type: none"> • Knoopsgate: Ewe groot • Korrekte spasiëring • Korrekte grootte/tipe knoop • Knope stewig vasgewerk 	7 2 2 1 2
Riffelsteek <ul style="list-style-type: none"> • Korrekte spanning • Egalige rye wat identies aan albei kante is • Steke en voorkoms moet egalig wees 	10 4 3 3	Sakke <ul style="list-style-type: none"> • Tipe sak geskik vir kledingstuk/produk • Korrekte posisie • Korrekte fatsoen 	10 3 3 4
Kabelpatroon <ul style="list-style-type: none"> • Verhoogde spanning van gebreide produk • Korrekte gebruik van kabelnaald • Kabels is identies 	10 4 3 3	Nate <ul style="list-style-type: none"> • Netjies, nie baie sigbaar nie • Reguit naatlyne • Lê plat • Korrekte steek 	10 3 3 2 2
Gevorderde patroon (kant/getekstureerd) <ul style="list-style-type: none"> • Korrekte keuse van gare/wol • Korrekte spanning • Patroon korrek 	10 2 4 4	Aanmekaarsit van dele <ul style="list-style-type: none"> • Korrekte metode/steke gebruik • Nie te styf nie • Nie sigbaar nie • Korrekte kleur wol/garing vir vaswerk gebruik • Netjiese rande 	10 2 2 2 2 2

VAARDIGHEIDSKODE-GEWIGSWAARDE VAN TEGNIEKE GEBRUIK IN DIE PRODUKSIE VAN GEHEKELDE PRODUKTE

- Gebruik die volgende vaardigheidskode-gewigswaarde om 'n patroon vir die PAT sowel as vir die weeklikse praktiese lesse te kies.
- Die vaardigheidskode toon die tegnieke se gewigswaarde en NIE die puntetoekenning NIE.
- Die gewigswaarde vir 'n spesifieke tegniek kan slegs EEN keer toegeken word.
- Die onderwyser kan 'n tegniek, wat nie hieronder aangedui word nie, byvoeg nadat dit met die vakadviseur bespreek is. Die onderwyser en die vakadviseur moet dan op die gewigswaarde vir die nuwe tegniek besluit.
- 'n Gewigswaarde word aan 'n tegniek toegeken volgens die moeilikheidsgraad van die tegniek.
- Die totale gewigswaarde van die tegnieke vir elke praktiese eksamen in graad 12 moet 'n minimum van 50 punte in totaal hê.

Kettingsteke <ul style="list-style-type: none"> • Korrekte spanning, nie te styf nie • Steke dieselfde grootte • Voorkoms egalig 	10 4 3 3	Vermeerder of verminder <ul style="list-style-type: none"> • Korrekte spanning, trek nie styf nie • Fatsoen beïnvloed nie patroon nie • Vermeerder/Verminder op korrekte posisie 	10 4 3 3
Enkele haak ('Single crochet') (VS)/Dubbele haak ('Double crochet') (VK) <ul style="list-style-type: none"> • Korrekte spanning, nie te styf nie • Steke dieselfde grootte • Voorkoms egalig 	10 4 3 3	Gebruik van verskillende kleure <ul style="list-style-type: none"> • Aanheg van nuwe wol/garing by die regte plek • Weef die wol/garing in die rand in • Netjiese rand 	5 2 1 2
Halwe dubbele haak ('Half double crochet') (VS)/Halwe skrikhaak ('Half treble crochet') (VK) <ul style="list-style-type: none"> • Korrekte spanning, nie te styf nie • Steke dieselfde grootte • Voorkoms egalig 	10 4 3 3	Las van wol/garing <ul style="list-style-type: none"> • Verkieslik by rand • Korrekte metode • Weef wol in breiwerk in 	5 2 2 1
Dubbele haak ('Double crochet') (VS)/Skrikhaak ('Treble crochet') (VK) <ul style="list-style-type: none"> • Korrekte spanning, nie te styf nie • Steke dieselfde grootte • Voorkoms egalig 	10 4 3 3	Knope en knoopsgate <ul style="list-style-type: none"> • Knoopsgate: Ewe groot • Korrekte spasiëring • Korrekte grootte/tipe knoop • Knope stewig vasgewerk 	7 2 2 1 2
Skrikhaak ('Treble crochet') (VS)/ Dubbele skrikhaak ('Double treble crochet') (VK) <ul style="list-style-type: none"> • Korrekte spanning, nie te styf nie • Steke dieselfde grootte • Voorkoms egalig 	10 4 3 3	Nate <ul style="list-style-type: none"> • Lê plat • Netjies, nie baie sigbaar nie • Reguit naatlyne • Korrekte steek 	10 2 3 3 2
Oumavierkant ('Granny square') <ul style="list-style-type: none"> • Korrekte spanning, nie te styf of te los nie • Rye sluit korrek by mekaar aan • Netjiese rande • Hoeke korrek en netjies 	13 4 3 3 3	Aanmekaarsit van dele <ul style="list-style-type: none"> • Korrekte metode/steke gebruik • Nie te styf nie • Nie sigbaar nie • Korrekte kleur wol vir vaswerk gebruik • Netjiese rande 	10 2 2 2 2 2
'Sunburst'-Oumavierkant <ul style="list-style-type: none"> • Korrekte spanning, nie te styf of te los nie • Rye sluit korrek by mekaar aan • Netjies rande • Hoeke korrek, netjies 	13 4 3 3 3	Randjie/Randpatroon <ul style="list-style-type: none"> • Egalige breedte, geskik vir produk • Lê plat, krul nie op nie 	5 2 3
Hekel 'n ringetjie <ul style="list-style-type: none"> • Korrekte spanning, nie te styf nie • Rye sluit korrek by mekaar aan • Steke dieselfde grootte • Egalige voorkoms 	13 4 3 3 3	Hekel van filet ('Filet crocheting') <ul style="list-style-type: none"> • Korrekte interpretasie van afkortings • Volg die patroon stap vir stap • Eindproduk volgens patroon 	7 3 2 2

ONDERWYSER SE BEPLANNING: GRAAD 12 PRAKTIESE EKSAMEN*(Moet aan die einde van **Maart of vroeër** aan die vakadviseur vir moderering voorgelê word.)*

Naam van skool:
Naam van onderwyser:
Datum(s) en tyd/tye van praktiese eksamensessies:

TOETS VIR PAT GRAAD 12
(Heg kopieë van patrone en instruksieblaaie aan)

PRAKTIESE EKSAMEN: BREI	
TEGNIEKE	GEWIGSWAARDE
TOTAAL	

TOETS VIR PAT GRAAD 12
(Heg kopieë van patrone en instruksieblaaie aan)

PRAKTIESE EKSAMEN: HEKEL	
TEGNIEKE	GEWIGSWAARDE
TOTAAL	

VOORBEELD VAN ONDERWYSER SE BEPLANNING VIR AANKOPE*(Moet aan die einde van **Maart of vroeër** aan die vakadviseur vir moderering voorgelê word.)*

Totale getal leerders	Groepe	Getal leerders per groep	Datums	Tyd
25	1	13	10/09/2023	08:00–12:00
	2	12	10/09/2023	12:30–16:30

BREI/HEKEL

Benodigdhede per leerder	Hoeveelheid per leerder nodig	Getal leerders	Totaal
Breinaalde/Hekelpen	1	25	25 breinaalde/ 25 hekelpenne
Bol geel 4-draad-wol	1	25	25 x geel 4-draad-wol
Bol groen 4-draad-wol	1	25	25 x groen 4-draad-wol
Bol roomkleur 4-draad-wol	1	25	25 x roomkleur 4-draad-wol
Knope	1	25	75 knope
	1	25	

ONDERWYSER SE INKOPIELYS: BREI/HEKEL

Benodigdhede	Hoeveelheid
Breinaalde/Hekelpenne	50/25
Geel 4-draad-wol	25
Groen 4-draad-wol	25
Roomkleur 4-draad-wol	25
Knope	25

ONDERWYSER SE BEPLANNING VIR AANKOPE*(Moet aan die einde van **Maart of vroeër** aan die vakadviseur vir moderering voorgelê word.)***PRAKTIESE OPSIE: BREI/HEKEL**

Totale getal leerders	Groepe	Getal leerders per groep	Datums	Tyd

Benodigdhede per leerder	Getal leerders	Totaal

ONDERWYSER SE INKOPIELYS

Benodigdhede	Hoeveelheid

**VERBRUIKERSTUDIES
PRAKTIESE ASSESSERINGSTAAK
PRODUKSIE VAN BREI- OF HEKEL-PRODUKTE
OORSIGLYS VIR BEPLANNING (MOET VIR MODERERING INGELEWER WORD)**

SKOOL		
ONDERWYSER		
SKOOLHOOF		
DATUM INGELEWER		
Datums van alle PAT-sessies	Voorgestelde modereringsdatum	Goedgekeurde modereringsdatum

KRITERIA	JA/NEE	KOMMENTAAR DEUR MODERATOR
'n Illustrasie van die produk		
Kopie van die patrooninstruksie-blad aan die leerders verskaf		
Volledige lys tegnieke en totale gewigswaarde van produk		
Beplanning vir aankope		

GOEDGEKEUR/NIE GOEDGEKEUR NIE

DATUM VIR HERVOORLEGGING: _____

Handtekeninge:

ONDERWYSER: _____ DATUM: _____

SKOOLHOOF: _____ DATUM: _____

MODERATOR: _____ DATUM: _____

ASSESSERINGSINSTRUMENT VIR BREI PRAKTIESE ASSESSERINGSTAAK

NAAM VAN SKOOL _____ DATUM _____ ONDERWYSER _____ MODERATOR _____				LEERDER SE NAAM EN VAN: _____ KOMMENTAAR: _____	
1.	PRAKTIESE VAARDIGHEDE EN TEGNIEKE				
1.1	Interpretasie van die patroon	4			
	Volg die patrooninstruksies akkuraat	2			
	Verstaan terminologie en afkortings vir implementering	2			
1.2	Akkurate implementering van tegnieke	20			
	Korrekte aantal steke volgens patroon	2			
	Handhaaf spanning deurgaans tydens produksie van die produk	2			
	Korrekte tegnieke toegepas om die produk te maak: (Uit die lys hieronder, assesseer die tegnieke wat op die produk van toepassing is) Aanheg/Afheg/Kousbandsteek/Koussteek/Riffelsteek/Kabelpatroon/Gevorderde patroon/ Vermeerder/Verminder/Gebruik verskillende kleure/Las van wol/Knope en knoopsgate/Sakke/Nate	16			
1.3	Korrekte hantering van toerusting	8			
	Korrekte hantering van breinaalde	3			
	Korrekte hantering van wol	2			
	Veilige gebruik van toerusting, bv. garingskêrtjie/skêre/spelde/strykyster/stopnaald	3			
1.4	Doeltreffende produksie van die produk	8			
	Gereelde gehaltebeheerpunte tydens produksie	2			
	Ekonomiese gebruik van voorraad, geen vermorsing van wol nie	2			
	Werk onafhanklik, stil, steur nie ander leerders nie, vra geen vrae nie	2			
	Doeltreffende gebruik en bestuur van tyd	2			
2.	HIGIËNE EN NETHEID				
2.1	Werkstasie & toerusting gedurende praktiese eksamen	8			
	Werkstasie netjies en goed georganiseerd	3			
	Klein toerusting lê nie rond nie	2			
	Werk higiënies	3			
2.2	Persoonlike voorkoms	2			
	Toepaslik geklee (skooluniform)	1			
	Naels skoon en kort	1			
2.3	Netheid van werkstasie na praktiese eksamen	4			
	Werkstasie skoon	1			
	Toerusting skoongemaak en weggepak in korrekte stoorplek	2			
	Afval verwyder; vullisdrom skoon	1			

ASSESSERINGSINSTRUMENT VIR BREI PRAKTIESE ASSESSERINGSTAAK (vervolg)

				LEERDER SE NAAM EN VAN:
				KOMMENTAAR:
3.	GESKIKTHEID VIR VERKOPE (VERKOOPBAARHEID)			
3.1	Verpakking	4		
	Beskerming van die produk	1		
	Geskiktheid van die produk	1		
	Koste-effektief	1		
	Verbruikersaanklank	1		
3.2	Etiket	6		
	Tipe wol gebruik	1		
	Toon kreatiwiteit	2		
	Vervaardiger se naam/fisiese adres/ kontakbesonderhede	1		
	Grootte/Prys	1		
	Versorgingsinstruksies	1		
3.3	Produk geproduseer, voldoen aan spesifikasies	36		
	Geskikte keuse van kleure vir produk	2		
	Korrekte grootte van die produk volgens patroon	2		
	Skoon produk	2		
	Drade netjies afgewerk	2		
	Netjies gestryk/gepars	2		
	Nate netjies en korrek geheg	2		
	Nate netjies gestik en afgewerk	3		
	Stewige stiksels	2		
	Geen flaters/foute (bv. gate) in die konstruksie van die produk nie	2		
	Korrekte aanwending van tegnieke in die konstruksie van die produk gebruik	5		
	Korrekte en egalige spanning deurgaans	2		
	Geskiktheid vir verkope/Verkoopbaarheid (Gebruik die skaal hieronder)	10		
	TOTAAL	100		
	Straf indien laat: Trek 2 punte af vir elke 5 minute laat, tot 'n maksimum van 20 punte.			
	TOTAAL	100		

GESKIKTHEID VIR VERKOPE/VERKOOPBAARHEID:

- 0–2 Onaanvaarbaar, voldoen nie aan die vereistes nie, kan nie verkoop nie
 3–4 Swak, voldoen aan sommige van die vereistes, sal nie verkoop nie
 5–6 Gemiddeld, voldoen aan die meeste van die vereistes, behoort te verkoop
 7–8 Goed, voldoen aan al die vereistes, sal goed verkoop
 9–10 Uitstekend, oortref al die vereistes, sal baie goed verkoop

ASSESSERINGSINSTRUMENT VIR HEKEL PRAKTIESE ASSESSERINGSTAAK


NAAM VAN SKOOL _____ DATUM _____ ONDERWYSER _____ MODERATOR _____				LEERDER SE NAAM EN VAN: _____ KOMMENTAAR: _____	
1.	PRAKTIESE VAARDIGHEDE EN TEGNIEKE				
1.1	Interpretasie van die patroon	4			
	Volg die patrooninstruksies akkuraat	2			
	Verstaan terminologie en afkortings vir implementering	2			
1.2	Akkurate implementering van tegnieke	20			
	Korrekte aantal steke volgens patroon	2			
	Handhaaf spanning deurgaans tydens produksie van die produk	2			
	Korrekte tegnieke toegepas om die produk te maak: (Uit die lys hieronder, assesseer die tegnieke wat op die produk van toepassing is) Kettingsteek/Kortbeen/Langbeen/'treble crochet'/ Oumavierkant/ 'Sunburst'-oumavierkant/ Ringetjie/Vermeerder/Verminder/Gebruik van verskillende kleure/Las van wol/hekelgaring/ Knope en knoopsgate/Nate/Aanmekaarheg van dele/ Randpatroon/Filet-hekel	16			
1.3	Korrekte hantering van toerusting	8			
	Korrekte hantering van hekelpen	3			
	Korrekte hantering van wol/hekelgaring	2			
	Veilige gebruik van toerusting, bv. garingskêrtjie/skêre/spelde/strykyster/stopnaald	3			
1.4	Doeltreffende produksie van die produk	8			
	Gereelde gehaltebeheerpunte tydens produksie	2			
	Ekonomiese gebruik van voorraad, geen vermorsing van wol/hekelgaring nie	2			
	Werk onafhanklik, stil, steur nie ander leerders nie, vra geen vrae nie	2			
	Doeltreffende gebruik en bestuur van tyd	2			
2.	HIGIËNE EN NETHEID				
2.1	Werkstasie & toerusting gedurende praktiese eksamen	7			
	Werkstasie netjies en goed georganiseerd	3			
	Klein toerusting lê nie rond nie	2			
	Werk higiënies	2			
2.2	Persoonlike voorkoms	2			
	Toepaslik geklee (skooluniform)	1			
	Naels skoon en kort	1			
2.3	Netheid van werkstasie na praktiese eksamen	4			
	Werkstasie skoon	1			
	Toerusting weggepak in korrekte stoorplek	2			
	Afval verwyder, vullisdrom skoon	1			

ASSESSERINGSINSTRUMENT VIR HEKEL PRAKTIESE ASSESSERINGSTAAK (vervolg)

				LEERDER SE NAAM EN VAN:
				KOMMENTAAR:
3.	GESKIKTHEID VIR VERKOPE (VERKOOPBAARHEID)			
3.1	Verpakking	4		
	Beskerming van die produk	1		
	Geskiktheid vir die produk	1		
	Koste-effektief	1		
	Verbruikersaanklank	1		
3.2	Etiket	6		
	Tipe wol/hekelgaring gebruik	1		
	Toon kreatiwiteit	2		
	Vervaardiger se naam/fisiese adres/ kontakbesonderhede	1		
	Grootte/Prys	1		
	Versorgingsinstruksies	1		
3.3	Produk geproduseer, voldoen aan die spesifikasies	36		
	Geskikte keuse van kleure vir produk	2		
	Korrekte grootte van die produk volgens patroon	2		
	Skoon produk	2		
	Geen los drade nie, drade korrek weggewerk	3		
	Wol/Hekelgaring netjies en korrek geheg	2		
	Nate netjies gestik en afgewerk	3		
	Stewige stiksels	2		
	Geen flaters/foute (bv. gate) in die konstruksie van die produk nie	3		
	Korrekte aanwending van tegnieke in die konstruksie van die produk gebruik	5		
	Korrekte en egalige spanning deurgaans	2		
	Geskiktheid vir verkope/Verkoopbaarheid (Gebruik die skaal hieronder)	10		
	TOTAAL	100		
	Leerders sal 2 punte verloor vir elke 5 minute wat hulle laat is, tot 'n maksimum van 20 punte			
	TOTAAL	100		

GESKIKTHEID VIR VERKOPE/VERKOOPBAARHEID:

- 0–2 Onaanvaarbaar, voldoen nie aan die vereistes nie, kan nie verkoop nie
 3–4 Swak, voldoen aan sommige van die vereistes, sal nie verkoop nie
 5–6 Gemiddeld, voldoen aan die meeste van die vereistes, behoort te verkoop
 7–8 Goed, voldoen aan al die vereistes, sal goed verkoop
 9–10 Uitstekend, oortref al die vereistes, sal baie goed verkoop

VOORBEELD VAN GEHEKELDE PRODUK VIR DIE PRAKTIESE ASSESSERINGSTAAK**GEHEKELDE NAALDEKOKER-('BANDANA')-SERP**

[Bron: <https://i2.wp.com/pattern-paradise.com>]

GEWIGSWAARDE: HEKEL

Selekteer tegnieke met 'n gewigswaarde van 50 vaardigheidskode-punte.

TEGNIEKE	GEWIGSWAARDE
Kettingsteke	10
Langbeen	10
Vermeerder	10
Gebruik van verskillende kleure	5
Las van wol/garing	5
'Treble crochet'	10
TOTAAL:	50

BENODIGDHEDE:

- 4 bolle wol/hekelgaring in verskillende kleure
- Een 4 mm-hekelpen
- Naald om punte van garing weg te werk

SPANNING IN KB: 167 steke en 8 rye = 10 cm

BRITSE (VK)-AFKORTINGS:

Kettingsteek = **ks**

Spasie = **sp**

Slaan steek oor = **ssto**

Glip = **gl**

Steek/Steke = **st(e)**

Kortbeen = **kb**

Langbeen = **lb**

SPESIALE INSTRUKSIES:

- Die beginkettingsteek tel as die eerste steek.
- Instruksies tussen () of * moet die gespesifiseerde aantal kere herhaal word.
- Instruksies tussen [] word almal in dieselfde steek/spasie gewerk.

V-steek 1 (V-ST1): Werk [lb, 2 ks, lb] in dieselfde steek/spasie

V-steek 2 (V-ST1): Werk [lb, 3ks, lb] in dieselfde steek/spasie

Picot (Puntjie): 3 ks, glip steek in eerste ks

Splitsteek: Om die splitsteek te werk, beteken dat jy in die middel 'V' van die onderste steek werk en nie in die lusse nie.

PATROONINSTRUKSIES:

Ry 1: 3 ks, in 3e ks van pen maak [2lb, 2ks, 3lb], draai (6lb).

Ry 2: 3ks, maak 2 lb in eerste st, lb in volgende 2 ste, in 2ks-sp maak [2 lb, 2 ks, 2 lb], lb in volgende 2 ste, maak 3 lb in laaste st, draai (22lb).

Ry 3: 3ks, maak 2 lb in eerste st, lb in volgende 6 ste, in 2ks-sp maak [2 lb, 2 ks, 2 lb], lb in volgende 6 ste, maak 3 lb in laaste st, draai (22 lb).

Ry 4: 3ks, maak 2 lb, in eerste st, lb in volgende 10 ste, in 2ks-sp maak [2 lb, 2 ks, 2 lb], lb in volgende 10 ste, maak 3 lb in laaste st, draai, (30 lb).

Ry 5: 2 ks, maak 2 lb in eerste st, lb in volgende 2 ste, 4 ks, slaan 4 ste oor, kb in volgende st, 4 ks, slaan 4 ste oor, lb in volgende 3 ste, in 2 ks-sp maak [2 lb, 2 ks, 2 lb], lb in volgende 3 ste, 4 ks, slaan 4 ste oor, kb in volgende st, 4 ks, slaan 4 ste oor, lb in volgende 2 ste, maak 3 lb in laaste st, draai (22 ste).

Ry 6: 3 ks, maak 2 lb in eerste st, lb in volgende 3 ste, maak 2 lb in volgende st, 3 ks, maak 'n split kb in kb van vorige ry, 3 ks maak 2 lb in volgende lb, lb in volgende 4 ste, in 2-ks-spasie maak [2 lb, 2 ks, 2 lb] lb in volgende 4 ste, 2 lb in volgende st, 3 ks, maak 'n split kb in kb van vorige ry, 2 lb in volgende lb, lb in volgende 3 ste, 3 lb in laaste st, draai (34 ste).

Ry 7: 3 ks, 2 lb in eerste st, lb in volgende 7 ste, 3 lb in 3-ks-spasie, 1 ks, ssto, 3 lb in volgende 3-ks-spasie, lb in volgende 8 ste, in 2-ks-spasie maak [2 lb, 2 ks, 2 lb], lb in volgende 8 ste, 3 lb in 3-ks-spasie, 1 ks, ssto, 3 lb in volgende 3-ks-spasie, lb in volgende 7 ste, 3 lb in laaste st, draai (52 ste).

Ry 8: 3 ks, 2 lb in eerste st, lb in volgende 12 ste, lb in 1-ks spasie, lb in elke st tot middel, in 2-ks-spasie maak [2 lb, 2 ks, 2 lb] lb in volgende 13 ste, lb in 1-ks spasie, lb in volgende 12 ste, 3 lb in laaste st, draai (62 ste).

Deel 2: Las nuwe kleur in eerste steek.

Ry 9: 3 ks, 2 lb in eerste st, lb in elke st tot middel, in 2-ks spasie maak [2 lb, 2 ks, 2 lb], lb in elke st tot 1 st oorbly, 3 lb in laaste st, draai (70 lb).

Ry 10: 3 ks, 2 lb in eerste lb, lb in volgende 2 ste, (*4 ks, slaan 4 ste oor, kb in volgende st, 4 ks, slaan 4 ste oor* lb in 11 ste) herhaal van * tot* een maal, lb in volgende 3 ste, in ks spasie maak [2 lb, 2 ks, 2 lb], lb in volgende 3 ste, herhaal () een maal, herhaal van* tot * een maal, lb in volgende 2 ste, 3 lb in laaste st, draai (46 ste).

Ry 11: 3 ks, 2 lb in eerste st, lb in volgende 3 ste, (*3 lb in 3-ks spasie, 1 ks, ssto, 3 lb in volgende 3-ks spasie*, lb in volgende 13 ste), herhaal * tot * een maal, lb in volgende 8 ste, in 2-ks-spasie maak [2 lb, 2 ks, 2 lb] lb in volgende 8 ste, herhaal () een maal, herhaal * tot * een maal, lb in volgende 7 ste, 3 lb in laaste st, draai (62 ste).

Ry 12: 3 ks, 2 lb in eerste st, lb in volgende 7 ste, (*3 lb in 3-ks-spasie, 1 ks, ssto, 3 lb in volgende 3-ks-spasie*, lb in volgende 13 ste), herhaal * tot * een maal, lb in volgende 8 ste, in 2-ks-spasie maak [2 lb, 2 ks, 2 lb], lb in volgende 8 ste, herhaal () een maal, herhaal * tot * een maal, lb in volgende 7 ste, 3 lb in laaste st, draai (90 ste).

Ry 13: 3 ks, 2 lb in eerste st, lb in volgende 12 ste, lb in 1-ks-spasie, lb in volgende 19 ste, lb in 1-ks-spasie, lb in volgende 13 ste, in 2-ks-spasie maak [2 lb, 2 ks, 2 lb], lb in volgende 13 ste, lb in 1-ks-spasie, lb in volgende 19 ste, lb in 1-ks-spasie, lb in volgende 12 ste, 3lb in laaste st, draai, (102 ste).

Deel 3: Las kleur in eerste steek.

Ry 14: 3ks, 2 lb in eerste st, lb in elke st tot middel, in 2-ks-spasie maak [2 lb, 2 ks, 2 lb], lb in elke st tot 1 st oorbly, 3 lb in laaste st, draai (110 lb).

Ry 15: 3 ks, 2 lb in eerste lb, lb in volgende 2 ste, (*4 ks, slaan 4 ste oor, kb in volgende st, 4 ks, slaan 4 ste oor*, lb in volgende 11 ste), herhaal () een maal, herhaal * tot * een maal, lb in volgende 3 ste, in 2-ks-spasie maak [2 lb, 2 ks, 2 lb], lb in volgende 3 ste, herhaal () twee maal, herhaal * tot* een maal, lb in volgende 2 ste, 3 lb in laaste st, draai, (70 ste).

Ry 16: 3 ks, 2 lb in eerste st, lb in volgende 3 ste, (*2 lb in volgende st, 3 ks, maak split kb in kb van vorige ry, 3 ks, 2 lb in volgende lb*, lb in volgende 9 ste), herhaal () een maal, herhaal * tot * een maal, lb in volgende 4 ste, in 2-ks-spasie maak [2 lb, 2 ks, 2 lb], lb in volgende 24 ste, herhaal () twee maal, herhaal * tot* een maal, lb in volgende 3 ste, 3 lb in laaste st, draai (90ste).

Ry 17: 3 ks, 2 lb in eerste st, lb in volgende 7 ste, (*3 lb in 3-ks-spasie, 1 ks, ssto, 3 lb in volgende 3-ks-spasie*, lb in volgende 13 ste), herhaal () een maal, herhaal * tot * een maal, lb in volgende 8 ste, in 2-ks-spasie maak [2 lb, 2 ks, 2 lb] lb in volgende 8 ste, herhaal () twee maal, herhaal * tot * een maal, lb in volgende 7 ste, 3 lb in laaste st, draai (128 ste).

Ry 18: 3ks, 2 lb in eerste st, lb in elke st en in 1-ks-spasie tot middel, in 2-ks-spasie maak [2 lb, 2 ks, 2 lb], lb in elke st en 1-ks-spasie tot laaste st, 3 lb in laaste st, draai (142 lb).

Deel 4: Las nuwe kleur in eerste steek.


Ry 19 tot 23: Herhaal Ry 14 tot Ry 18. Die instruksie tussen () word 2 maal herhaal.

Ry 24: 3 ks, 2 lb in eerste st, lb in elke st tot middel in 2-ks-spasie maak [2 lb, 2 ks, 2 lb], lb in elke st tot 1 st oorbly, 3 lb in laaste st, (192 lb).

Randjie en bandjies

Ry 25: 21 ks, kb in 2^{de} ks van pen, kb in volgende 10 ste, hlb in volgende 10 ste, lb in volgende st, *slaan 2 ste oor, V-ST1 in volgende st* herhaal tot middel, V-ST2 in 2-ks-spasie, V-ST1 in volgende lb, herhaal instruksies tussen* tot 4 ste oorbly, slaan 2 ste oor, hlb in laaste st.

Ry 26: 21 ks, kb in 2^{de} st van pen, kb in volgende 10 ste, hlb in volgende 9 ste, kb in volgende st, tussen volgende lb en V-steek, * in 2-ks-spasie van volgende V-steek, maak [kb, picot, kb] kb tussen V-ste*, herhaal tussen * tot middel, in 3-ks-spasie maak [2 hlb, picot, 2 hlb], *kb tussen V-ste, in volgende V-st maak [kb, picot, kb]*, herhaal tussen * tot laaste V-st, kb tussen V-steek en volgende lb, glist do in hlb. Heg af.

VOORBEELD VAN GEBREIDE PRODUK VIR DIE PRAKTIESE ASSESSERINGSTAAK**GEBREIDE SIMMETRIESE SITRUS-TJALIE****GEWIGSWAARDE: BREI**

Selekteer tegnieke met 'n gewigswaarde van 50 vaardigheidskode-punte.

TEGNIEKE	GEWIGSWAARDE
Aanheg	10
Afheg	10
Vermeerder	10
Heg van wol	5
Gebruik van verskillende kleure	5
Gevorderde patroon	10
TOTAAL:	50

BENODIGDHEDE:

- 4 bolle wol in verskillende kleur
- Enige wol/breinaald-kombinasie omdat die produk ry vir ry vergroot
- Stopnaald om punte weg te werk

SPANNING: 16 steke = 10 cm

BRITSE (VK)-AFKORTINGS:

Brei ('Knit') = **k**

Brei volgende 2 steke tesame ('Knit next 2 stitches together') = **b2tstes (k2tog)**

Trek glipsteek oor ('Pass slipped stitch over') = **tglso (psso)**

Wol oor ('Yarn over') = **yo**

'Slip marker' = **sm**

'Slip one over' = **sl1**

Aweregs een ('Purl one') = **aw1 (p1)**

SPEZIALE INSTRUKSIES:**PATROON:**

- Die tjalie begin vanuit die middel en word groter a.g.v. wol oor ('yarn over'/yo) die middellyn en by die rande ('edges').
- Die eerste en laaste 2 steke word gebrei op elke ry om die rand plat te hou.
- Glip die eerste steek van elke ry om 'n 'skoon' of eweredige rand te verseker.

BLOM-EN-OOG-PATROON ('FLOWER AND EYELET PATTERN'):

- Wissel die blom-en-oog-patroon af; doen die oogpatroon in die meeste gevalle in al drie kleure afsonderlik/geskei van die blompatroon, maar jy mag slegs 2 oogpatroonrye af en toe doen vir afwisseling van die patroon.
- Hou aan totdat die tjalie die gewenste grootte is.

PATROONINSTRUKSIES:

Heg 5 steke aan.

Ry 1: b2, yo, plaas merker, b1, plaas merker, yo, b2

Ry 2: gl1, b1, awe1, glip merker, awe1, glip merker, awe1, b2

Ry 3: gl1, b1, yo, b1, yo, sm, b1, sm, yo, b1, b2

Ry 4: gl1, b1, aweregs tot by merker, glip merker, aweregs 1, glip merker, aweregs tot by merker, b2

Verander kleure en brei die oogpatroon verskeie kere, verander kleure tussen herhalings.

Maak seker jy het 13 steke aan elke kant tussen die yo ('yarn overs') voordat jy die blompatroon brei.

BLOMPATROON:

Ry 1 (Regte Kant): gl1, b1, yo, [b3, b2tesm, yo, b1, yo, gl1, b1, tglso] herhaal tot by plekmerker, yo glip dan merker, b1, gl merker, yo, [b3, b2tesm, yo, b1, yo, gl1, b1, tglso] tot by laaste 2 steke, yo, b2


(LET WEL: Vir hierdie rye, maak seker jy het yo na die eerste 2 steke, aan beide kante van die middelpunt, en voor die laaste 2 steke. Om die middel simmetries te maak, moet jy 2 steke aan die einde en begin die ander kant met 2 steke, ens.)

Ry 2: gl1, b1, aweregs tot by merker, glip merker, awe1, glip merker, awe tot by merker, b2

Ry 3: gl1, b1, yo, [b3, b2tesm, yo, b3, yo, gl1, b1, tgso] herhaal tot by merker, yo, sm, b1, yo, [b3, bk2tesm, yo, b3, yo, gl1, b1, tgso] herhaal tot by laaste 2 steke, yo, b2

Ry 4: gl1, b1, awe tot by merker, glip merker, awe1, glip merker, awe tot by merker, b2

Ry 5: gl1, b1, yo, b5, yo, gl1, b2tesm, tgso, yo, herhaal tot by merker, yo, sm, b1, yo, [b5, yo, gl1, b2tesm, tgso, yo] herhaal tot by laaste 2 steke, yo, b2



Sleutel	
	Brei
○	Wol oor pen (yo)
▤	Brei 2 tesame
▥	Glip 1, b1, tgso
▦	Glip1,b2tes, tgso

OOGPATROON ('EYELET PATTERN'):

Ry 1 (Regte Kant): gl1, bk1, yo, brei tot by merker, yo, sm, b1, sm, yo, brei tot by merker, b2

Ry 2: gl1, b1, brei tot by merker, sm, awe1, sm, yo, brei tot by merker, b2

Ry 3: gl1, b1, yo, [b2tesm, yo] tot by merker, sm, b1, sm, [yo, b2tesm] tot by laaste 2 steke, b2

(LET WEL: Vir hierdie rye, maak seker jy het yo na die eerste 2 steke, aan beide kante van die middelpunt, en voor die laaste 2 steke.)

Ry 4: gl1, b1, brei tot by merker, sm, awe1, sm, yo, brei tot by merker, b2

GEPUNTE AFHEGTING ('POINTED CAST OFF'):

1. In eerste steek, b1, slaan wol oor breinaald (yo), br 1.
2. Draai en aweregs hierdie 3 steke as ook die volgende steek op die breinaald en die eerste nuwe steek.
3. Draai en heg die eerste 2 steke af (b2, trek eerste steek oor).
4. Brei die 3^{de} steek met die volgende steek, gereed om af te heg en heg die 3^{de} steek af.
5. Trek die laaste steek oor die breinaald oor die volgende steek wat gereed is om afgeheg te word. Jy het nou 3 steke afgeheg en het nou 1 punt (gepunte afhegting).

Herhaal, begin met b1 slaan wol oor breinaald (yo), b1 in die steek wat jy in stap 5 oorgetrek het.

LET WEL: Daar sal baie ente weggewerk moet word as gevolg van al die kleurwisseling.



As die onderwyser 'n tuisgemaakte patroon gebruik, moet 'n instruksieblad ingesluit word.

10. GEVOLGTREKKING

Na voltooiing van die praktiese assesseringstaak moet leerders in staat wees om hulle begrip van die bedryf te toon; hulle kennis, vaardighede, waardes en redenasievermoëns te versterk, en ook betrekkinge buite die klaskamer te vestig en uitdagings in die wêreld daar buite aan te durf. Die PAT ontwikkel verder leerders se lewensvaardighede en gee aan hulle die geleentheid om by hulle eie leerervarings betrokke te wees.